

17003

DE  
CALORE ANIMALI  
QUAEDAM.

DISSERTATIO INAUGURALIS  
PHYSIOLOGICA,

QUAM  
CONSENSU ET AUCTORITATE  
AMPLISSIMI MEDICORUM ORDINIS

IN  
CAESAREA LITERARUM UNIVERSITATE  
DORPATENSI,

UT GRADUM

DOCTORIS MEDICINAE

RITE ADIPISCATUR

ELABORAVIT ET PUBLICE DEFENDET


A U C T O R

Constantinus a Wistinghausen,  
ESTHONUS.

---

DORPATI LIVONORUM,  
TYPIS J. C. SCHUENMANNI,  
TYPOGRAPHI ACADEMICI.  
MDCCXXXVII.

7-833  
7-833  
7-833  
7-833



I M P R I M A T U R

haec dissertatio ea conditione, ut simulac typis excusa  
fuerit, quinque exemplaria collegio, cui exploratio libro-  
rum mandata est, tradantur.

Dorp. die 12. April, 1837.

SAHMEN, Decanus.

Tartu Ülikooli  
Raamatukogu

470 624

P R O O E M I U M .

Insignem illam, certum quendam caloris gradum, eumque intra certos limites ex rerum externarum temperatura non pendentem, et propigneudi ex se ipsis, et conservandi facultatem, quam vel veteres naturae scrutatores organicorum corporum unice propriam esse cognoverunt, ne nostra quidem aetate physiologi sagacissimi indignam habuerunt, quam diligentissimis ac operosisimis quaestionibus subjicerent. — Quorum e laboribus, nec minus e disciplinis auxiliaribus nostra aetate tantum provectis, physice ac chemia, licet huic etiam rei aliquantum lucis affulserit, licet ardentissimo veri ac certi studio ducti, viri excellentissimi experimentis via et ratione institutis, conclusionibusque inde factis effecerint, ut

hac etiam in scientiae provincia, tenebris adhuc tecta, varia phaenomena explicarent, omninoque refellerent antiquorum philosophorum somnia; multa tamen diligenti rerum investigatori inexplicata et dubia manent, cuius rei culpam si forte in physiologorum socordiam, nec potius in ipsius quaestionis naturam conferas, injuste agas, quum calor, ut postea elucebit, vitae quidem ejusque actionum effectus, simul vero vitae conditio vice versa existat. Quodsi vitae natura adhuc ignota mansit, semperque manebit, mortaliū nulli unquam continget, ut caloris animalis phaenomena notabilia prorsus perspiciat et exploret. Sunt quidem quae legibus naturae physicis ac chemicis apte explicari posse videantur, ita tamen, ut ultimam caloris animalis causam, — id quod huic physiologiae parti cum ceterarum plurimis commune est —, nemo ne conjectura quidem certe assequi possit. Ex iis quae diximus, lector benevole! quaestionis quam proposui difficultatem facile cognosces, quam quidem eximia opinionum varietate, experimentorum eventibus saepe contrariis, rei quam tracto amplitudine, denique inopia experientiae propria indagatione atque experimentis suffulta, profecto non imminui

putabis. — Non est igitur quod nova, quae nullis aliis in operibus physiologicis commemorata sint exspectes, nec vero, si exspectares, invenires, quum tantam connectis quae varias per ephemerides et antiquiores et recentiores dispersa leguntur, quidquid meam ad disputationem facere videbatur, unum in corpus composuerim. Non nova tibi narraturus libellum huncce conscripsi, movebar potius primum eo, quod hac in universitate literarum, praesertim proximo abhinc tempore, in universum paucae tantum res physiogiam spectantes dissertationibus inauguralibus tractatae sunt, deinde quod omni physiologia praecipue vero parte ejus de calore animali agente, propter caligines quibus obsfunditur mysticas, imprimis semper delectabar. Jam quum id agere nequeam, ut plenum et absolutum de calore animali tractatum in medium proferam, quippe qui virum expostulet diuturniore quam qua equidem gaudeo experientia, ampliore doctrina exstructum, ad duo tantum caloris animalis momenta me restringam, altera hujus dissertationis parte originem, altera stabilitatem ejus ac perpetuitatem perquirens.

Nunc progrediamur, lector benevole,

ad caloris vitalis Occultum fontem, utinam  
filum nobis esset Ariadneum tenebricosa  
via incedentibus! at miraculorum tempora  
praeterlapsa, vel sic procedendum! —

## PARS PRIOR.

### Unde nascitur calor animalis?

Grau, Freund, ist alle Theorie,  
Doch grün des Lebens gold'ner Baum!

Cui quidem quaestioni ut responderent naturae scrutatores ad diversissimas theorias delapsi sunt, hypotheses proponentes varias, partim omni certo arguento egentes, partim satis probabiles, plurimas vero non omnia caloris animalis phaenomena explicare valentes. Dum enim medicorum ac philosophorum antiquissimi, Hippocrates, Erasistratus, Pythagoras, Aristoteles (1),

---

1) Pierer — Anatomisch-physiolog. Realwörterbuch.  
1816. I. 258.

pneuma quoddam ( $\tauὸ\ \piνεῦμα$ ) caloris animalis causam habebant, vitam et calorem tantopere ex se invicem pendere contendentes, ut alterum sine altero perstare non posset; dum Galenus, Coringium (1) et vel serius Descartes calidum innatum, ignem divinae originis in corde ponebant, respirationis processu refrigeratum ac temperatum, medici inferioris aetatis magis magisque ab antiquorem opinionibus veritati propioribus recesserunt, ita ut jam magnus Haller operis (2) sui capite CLII „rubrum praecipue sanguinis cruentum calor gignendo inservire“, dicat, „cum in eadem ratione cum ipso sanguinis calore sit“; quibus capite CLXXXI haec fere adjicit: „An etiam calorem motus sanguinis giguit? Profecto; perpetuo in omnibus liquoribus, etiam aëre, magis vero in liquidis animalibus inflammabilibus, aqua densioribus, a contractili tubo compressis, attritis, a canaliculis ipsis celerrime flexis et extensis, calor exortitur.“ — Eadem fere mente praeceptor ejus Boerhave (3), calorem in corpore vivo, non aliter atque in corporibus anorganicis frictione et inter succos atque vasorum parietes intercedente, et ipsorum organorum motibus internis effecta, produci censet. Medici disciplinae Jatrochemicae antiquioris, prae ceteris vero Helmont, Syl-

vius et Haumberg (1) caloris animalis ortum e mixtione chyli, quem acidum esse sumebant, cum sanguine alcalino fervorem et caloris evolutionem secum ferente derivabant. Quae vero opiniones quum certa basi omnino carerent, viataque phænomena parum circumspecte e solis processibus naturae anorganicae deducerent, temporis decursu sponte conciderunt.

Omnium primus ad veritatem proprius accedere videbatur Crawford (2), theoriae quam condidit, hypothesis a Lavoisier et Laplace de processu respirationis propositam, subjiciens. Cujus quidem e periculis, de corporum et fluidorum et solidorum caloris capacitate institutis, apparebat, alimenta, quibus sanguis paratur, carnem, lac atque plantas, minorem caloris capacitem habere quam sanguinem ex aorta provenientem, contra vero aërem atmosphaericum, qui inspiretur, aërem exspiratum sexagesima capacitatris parte superare, unde calorem non ex alimentis progigni, sed potius respirationis ope ex aëre atmosphaericō in sanguinem transire, eoque ad omnes corporis partes perduci colligit. — Quem quidem processum ratione sequente explicat: sanguinem arteriosum per vasa capillaria vadentem, oxygenio dimisso, assumto contra Hydro-Carbone e partibus organicis jam ab-

---

1) Gruenberg — diss. de calore animali. Ber. 1820.  
27.

2) Element. physiol. Berol. 1788.

3) Institutiones medicæ. Lugd. Bert. 1720. I.

1) Physiol. med. 1751. 4. p. 24.

Berthold — Lehrbuch der Physiologie. I. 68.

2) Versuche und Beobachtungen über die thierische Wärme. Uebersetzt von Crell. Leipzig 1799.

sumptis, venosum vel phlogisticum fieri contendit; hinc, quando in pulmones pervenerit, aëre inspirato ita multifari, ut oxygenii pars una cum carbone sanguinis venosi in acidum carbonicum conjuncta, calorem liberet, quum acidum carbonicum secundum illius quaestiones minore caloris capacitate gaudeat, quam singulae ejus partes; altera cum hydrogenio venosi sanguinis aquam formet, quo rursus secundum leges naturae physicas calor necessario evolvatur. Jam calorem huncce liberum cum tertia oxygenii parte ad privatum phlogisto sanguinem transire, cuius quidem capacitas dimisso phlogisto multum adaucta sit, eoque large liberati caloris effectum noxiun in pulmones caveri. Calorem denique in sanguine arterioso hac ratione fixum, pro portione qua sanguis venosus fiat, ideoque capacitatis partem amittat, in systemate capillari omnium corporis partium liberatum, per totum organismum aequaliter diffundi.

Quam quidem explicandi rationem, quamvis sagacissimam et ingeniosissimam, defendi tamen non posse accuratius scrutanti dubium non erit, quum uterque processus et aquae et acidi carbonici formatio (quibus secundum Crawford sententiam calor in pulmonibus evolvitur, mox sanguine figitur) multifariis experimentis physiologorum plurium; summa cum diligentia et cautione institutis, aliquantum infirmatus sit, quumque rationibus Dulong (1) et

Despretz probetur, etiamsi processus illi in pulmonibus locum habeant, calorem illis liberatum & tautum vel ad summum & totius corporis caloris efficere posse, eumque ideo certe non ex his processibus solis derivandum esse. Jam vero si critica subtilitate primum vaporum aquosorum, quos exhalamus, formationem perpendere conamur, hosce in pulmonibus ex elementis hydrogenio et oxygenio constitui, chemiae leges si respexeris per se audacius videbitur sumtum (1); accedit quod a superficie quavis humida animali, ideoque a tota membrana mucosa oris, narium, pharyngis, tracheas, ejusque ramorum innumerabilium, temperatura animalium calido sanguine praeditorum, aqua vaporum sub forma ascendere necessario debet, quam rem Collard de Martigny experimentis etiam confirmavit, quovis in gaso, vel oxygenium omniuo non continente, vapores aquosos exspirari observans; denique vaporum aquosorum spirando editorum copiam, immissa in venas aqua, auctore Magendie (2), magnopere augeri animadvertendum est.

Quod alterum evolvendi caloris momentum attinet, nimirum acidi carbonici formationem, haec utrum ipsis in pulmonibus, conjuncto cum carbone sanguinis oxygenio aëris, ap potius in systemate vasorum capillarium, sanguine arterioso in venosum commutato, efficiatur, adhuc inter physiologos non satis constat, nec vero

---

1) J. Müller — Handbuch der Physiologie des Menschen. Coblenz 1835. I. 81.

1) Müller I. c. 318.

2) Précis élémentaire de Physiol. 2 édit. 2. 246.

multum interest utra vera sit opinio, si solum calorē respicis, formando acido carbonico evolutum. Istius modi vero compositio acidi carbonici, oxygenio aëris cum carbone sanguinis conjunctio effecta, sive in pulmonibus eam, sive in systemate vasorum capillarium fieri ponas, a multis adhuc in dubium vocatur, quum viorum doctorum Nystén, Spallanzani, Edwards et nuperime J. Mueller (1) accuratissima experimenta luce clarissim demonstrant, multa animalia proprio calore gaudentia in gaso hydrogenio et azoto non minorem, quam in aëre atmosphaericō acidi carbonici vim ex se evolvere, cuius ideo originem aliam esse videri. At etiam illa acidi carbonici formatio locum haberet, ex ea tamen nulla caloris evolutio fluere posset, quum quaestionibus virorum Delaroche et Berger (2) recens institutis sententia Crawfordiana de caloris capacitatem acidi carbonici exigua refellatur, atque certe firmetur, majorem caloris capacitatem ei esse, quam aëri atmosphaericō ejusque oxygenio.

Sunt vero etiam alia argumenta permulta, quibus opinio de progignendo in pulmonibus calore refutetur. Primum enim si talis conflagratio carbonei inter respirationem locum haberet, pulmones aperte calidiores esse deberent, quam reliquae organismi partes, quod minime

confirmatur (1); deinde excretionem gasi acidocarbonici et absorptionem oxygenii temperatura frigida augeri necesse esset, quod rursus tantum abest ut revera fiat, ut potius secundum Treviranii (2) inquisitiones plane contraria ratio appareat, aucta et absorptione oxygenii et exhalatione acidi carbonici altiore temperaturae gradu, quum tamen secundum conflagrationis theoriae principia is inde in pulmonibus exoriri deberet calor, qui mox totius organismi vitae finem imponeret. Denique Davy (3) experimentis cautissime factis caloris capacitatatem sanguinis arteriosi cum venoso comparatam, numeros referre invenit 10,11 : 10,00, perexiguo sane inter utramque discrimine.

Quae omnia argumenta, quum mancam ac vitiosam esse Crawford theoriam facile demonstrent, recentioribus temporibus existierunt physiologi complures, Girtanner, Ackermann etc. variis additamentis ac mutationibus illam emendare coantes, qui quid protulerint non est, quod fusius enarrem, quum nec illi quidquam ad rem enucleandam efficerint, et vero ultimis hujus aevi decenniis experimentis certum sit factum, chemico respirationis processu non tantum calorem in pulmonibus evolvi non

---

1) I. c. 321.

2) Vid. Neumann — Handbuch der Physic. 1835. II. 695.

1) Müller I. c. 317.

2) Erscheinungen und Gesetze des organischen Lebens. I. 428.

3) Meckel's Archiv für Physiologie. I. 100.

posse, verum etiam frigus (1) necessario propugni. Causas afferunt sectatores hujus theoriae, partim exhalationem vaporum aquosorum calorem fagentium, partim acidi carbonici exspirati majorem caloris capacitatem quam aëris atmosphaericci ejusque oxygenii in pulmones inducti. Caloris contra originem eo conferunt, ubi sanguis mutationem patiatur respiratione effectae contraria, nimirum in sistema vasorum capillarium; oxygenium in pulmonibus a sanguine absorptum, hoc per varia corporis organa circulatione perduto, carbonem assumere, evolu-toque simul calore acidum carbonicum formare censentes. Jam vero quum acidum carbonicum oxygenio majori gaudeat caloris capacitatem, ne hac quidem ratione multum caloris liberari posset, ne dicam de argumentis, quae supra attulimus, formationem acidi carbonici, ideoque vel hancce totam theoriam infirmantibus.

Fortasse non fallor, lector benevole! si jam te scire velle suspicor, utrum respiratio ad calorem animalem progignendum omnino nihil valeat, an aliquid hoc respectu ei tribuendum sit? Evidem certe, ut quae sententiam ingenue fatetur, cum ill. viris Treviranano (2), Rudolphi (3) ac Berthold (4), respirationem, quamquam non

unicum caloris fontem, magnum tamen momentum esse arbitror caloris animalis procreandi. Qua in re quid agat postea explicabitur, praecedunt nonnulla argumenta opinionem nostram firmantia. Nimirum comparato caloris proprii gradu cum organorum respirationis evolutione, alia in aliis animalium generibus, sustineri ac stabiliri sententiam quam protulimus, facile apparet; quum ayes, quarum organa respiratoria inter omnia animalia maxime exulta esse constat (1), maximam etiam proprii caloris copiam evolvant; secundum locum teneant mammalia et homo. Sequuntur, si tantum organa respiratoria plus minusve exulta respicis, insecta, aërem per stigmata, in corporis superficie sita, in canales aëriferos tenuissimos (tracheas) per omnia corporis organa propagatos, ducentia; nec vero negari potest, in insectis majori numero congregatis, temperaturam inveniri satis notabilem, sic in apibus + 31 gradus thermometri Reaumuriani, in formicis + 17° R., in cesso ligniperda + 26° R. Si vero singulorum insectorum temperaturam perquirimus, calor eorum proprius semper parvus invenitur, quo fit ut Treviranus eum illis animalibus omnino deroget. Causam hujus rei in evolutione manca aliorum systematum maximi momenti ut systematis nervorum ac vasorum quaerenda sit (2).

---

1) W. Lund — Physiologische Resultate der Vivisectionen nouerer Zeit. 255.

Reil's Archiv für Physiol. XII. 137.

2) Biologie. Göttingen 1814. IV. 225.

3) Grundriss der Physiologie. I. 188.

4) Lehrbuch der Physiol. 1829. I. 65.

---

1) Rudolphi l. c. 189.

2) Treviranus — Biologie IV et V.  
Tiedemann — Physiol. d. Menschen. I. 309.

quae quidem ad calorem animalium superioris ordinis progignendum permultum conferre, extra omnem dubitationem est. Quod denique animalia adtinet, quae frigidi sanguinis animalia vocare solemus, respiratione multifarie ab altioribus animalibus differunt. Sic amphibia, mollusca etc., quae suo arbitrio respirationem sistere possunt (1), saepe totius demum horae intervallo spiritum ducunt, nec vero respirationis intentio tantum ac vis, sed influxus etiam in organismum imminutus apparet, quum eadem illa animalia in gasis irrespirabilibus, hydrogenio, azoto cet. perdiu vivant. Quae quidem facultas quum eo perfectior reperiatur, quo altius in animalium serie descendimus, proprio animalium calore pari gressu imminuto, chemicum etiam respirationis processum inferioribus in animalibus qualitate, ut ita dicam, mutatum esse eluet, haud parvo sine dubio in calorem animalem influxu (2). Sit, ut exemplum afferram, azotum, quod nullas fere partes agit in animalium calidi sanguinis respiratione, secundum experimenta a Seguin, Godwyn, Allan et Pepys (3) instituta, majoris est momenti in animalium frigidioris sanguinis respiratione; pisces pro portione oxygenii, ingentem azoti vim (4)

absorbent; idem fere in amphibiis observatur, quae praeterea aliter atque animalia calidi sanguinis vel in gasis oxygenio carentibus magnam acidi carbonici copiam exhalant; intercedunt fortasse hoc respectu alia etiam discrimina adhuc non satis explorata.

Quaerentibus nobis alia etiam argumenta, respirationis influxum in calorem animalem probantia, primum occurrent observationes, dignae quae animalium nostrum retineant, altera Davy (1): sanguinem in sinistro cordis ventriculo  $1\frac{1}{2}^{\circ}$  F. calidiorem esse quam in dextro, altera Mayer (2): sanguinem in arteria carotide  $2^{\circ}$  R. fere calidiorem invenientis, quam in vena jugulari. Unde hoc caloris discriminem in utroque sanguinis genere, nisi e circulatione per pulmone? Davy praeterea ubicunque major quaevis arteria in superficie sita erat, calorem nonnihil auctum invenit (3). Accedit quod vas subligatis membra celeriter frigescunt; quod statibus organismi ubi una cum ceteris functionibus respiratio multum debilitata est, in syncope, in morte opinata, in somno hiemali, calor etiam perquam imminutus deprehenditur; quod in morbis quibus sanguinis atque aeris inspirati mutua in pulmonibus actio turbatur; ut in cyanosi, aegroti frigore quam maxime ve-

---

1) Trev. Biol. IV. 149.

2) Bartels, Ueber die Respiration, Breslau 1817.  
304 — 6.

3) Trev. Biol. IV. 172 — 180.

Bartels I. c. 302.

4) Trev. I. c. 183.

1) Meckel's Arch. I. 109.

2) Meckel's Arch. III. 457.

3) Meckel's Arch. II. 312.

xantur (1); ut breviter dicam, multae sunt res quibus perspicuum fit, peculiari deum respirationis in sanguinem actione facultatem huic praebeti coloris in corpore progignendi.

Quae vero actio cuiusnam sit generis, quaque ratione sanguis inspirato aëre mutetur, non certo scimus, ideoque, num sanguis oxygenium absorbeat, ut Hildebrandt (2) opinatur; an nullo assumto oxygenio carbonicum tautum et aquam dimittat, quod Allan et Pepys (3) ex experimentis suis collegerunt; num respiratione ponderabile nihil in sanguinem transeat, sed statim tantum polaris inter atmosphaeram et sanguinem intercedens commutetur, polaritate hujus positiva, conflictu cum aëre atmosphaericu adiuncta, quae Brandis sententia est (4); an electrica vis ex atmosphaera in cruentum transeat, quod alii contenderunt (5); utrum denique auctus arteriosi sanguinis calor contractione calorem procreante efficiatur, auctore Nasse (6); an Treyirano (7) fidem habere debeamus, arterias potius expandi, venas contrahi censenti, — hoc loco dijudicare omnino nequeo. Hoc tantum, opinor, ex argumentis contra Crawford theoriam

jam supra a me allatis liquet, chemico processu inter aërem et sanguinem in pulmonibus verisimiliter intercedente, calorem in hisce prolici non posse, sed respirationem indirecta via potius ad calorem animalem procreandum eo aliiquid conferre, quod sanguini pulmones permanenti facultatem functiones corporis omnes animandi, caloris excitandi, uno verbo naturam arteriosam praebat. Solus enim sanguis arteriosus vitam conservare valet (1), hic solus omnibus corporis partibus materias adducit organismum recreantes ac nutrientes, hic denique mutua actione, nobis adhuc ignota, cum viribus systematis nervosi et ipsis inexplicabilibus, et cum quaque organicae materiae parte, procreat — calorem. Quo magis arteriosi ac venosi sanguinis discriminem evanescit, cuius rei exempla nobis praebent et vita fetalis statusque varii morbos, et animalia multa inferiora, amphibia, pisces, mollusca, eo minorem fieri videamus proprii caloris progignendi facultatem.

Tamen vero, ut sanguis arteriosus calorem animalem excitare valeat, aliis etiam systematis maximi momenti, nimirum nervorum, auxilio opus est, quem vel ille solus per se nihil possit. Nonne enim Elliot, nonne Home (2) clare nobis demonstraverunt, dissectis membris aliquibus nervis principalibus, vasis ejus non viola-

---

1) Nasse's Aufsatz in Reil's Archiv. X. 213.

2) Lehrbuch der Physiologie. Erlangen 1809. p. 100  
— 202.

3) Bartels I. c. 304.

4) Brandi's Pathologie 321.

5) Bartels I. c. 330.

6) Reil's Arch. XII. 423.

7) Biologie V. 45.

---

1) J. Müller I. c. 136.

2) Froriep's Notizen XV. 24.

tis, non aliter frigescere membrum, atque contrario in experimento fieri soleat arteriis subligatis, nervis vero non tactis? Nonne Earle (1) in homine paralysi brachii affecto, paralyticæ manus temperaturam + 17° R. tantum esse reperit, manu sana + 27° R. exhibente? Nonne systemate nervoso excitato, animo affectibus turbato, temperaturam corporis nunc universi, nunc singularum ejus partium subito et ad tempus adaugeri, pudoris sensu faciem subito incallescere, deprimentibus animi affectibus corporis calorem cito imminui videmus? Haec sane phænomena effecerint, ut physiologorum plures, Musgrave, Elliot cet., præcipue in systemate nervoso, nonnulli, Röderer, Wrisberg, Schäffer vel etiam singulis quibusdam in partibus ejus unicum caloris fontem inveniri posse arbitrarentur (2). Sic Roose (3) calorem animalis rectione cerebri progigni, ac nervorum ope sanguini arterioso communicari contendit. Quod vero quis intelligit, calorem cerebri rectione procreari? — Brodie (4) etiam caloris animalis originem cerebro tribuens, sententiam hancce nt probaret multa in animalibus mammalibus instituit experimenta; aut enim subligatis carotidibus caput eorum amputavit, aut veneno Voo rara cerebri vires fregit, deinde vero respiratio nem inspirato aëre arte sustinuit, quo facto,

quum animalia illa, respiratione et sanguinis circulatione specie non mutatis, cito et vel citius frigescere animadverteret, quam animalia emortua quibus respiratio artificiosa non adhibebatur, non respirationem nec mixtionem sanguinis in pulmonibus mutatam caloris causam esse posse, sed hanc potius in cerebro (cujus functiones solummodo sublatæ erant) quaerendam esse collegit. — Praeterea vero quod experimenta a multis aliis physiologis serius repetita aut plane contrariis (1), aut certe diversos praebuerunt eventus, unde accedit ut Weinholdt in medulla spinali (2), Chaussat in systemate ganglioso caloris animalis originem poneret, quodque non desunt exempla monstrorum acephalorum (3), quae nihilominus plures per dies perfecte vivebant, caloris gradum naturalem servantia donec vitae vires extinguerentur; praeter haec omnia, inquam, quisquis aequo animo, a partium studio remoto, totum illud perscrutandi genus contemplatus est, eventus experimentorum, quae Brodie instituit, naturae consentaneos, placita, quae inde deduxit, falsa cognoscet. Nihil enim aliud experimenta illa probant nisi hoc: animalia emortua, adhibita respiratione artificiali celerius frigescere, quam omissa. Quid vero si

---

1) Meck. Arch. III. 419.

2) Nasse in Reil's Archiv XII. 431.

3) Grundzüge der Lehre von d. Lebenskraft p. 256.

4) Reil's Archiv I. c. 137.

1) Hale et Le Gallois in Meck. Archiv. III. 429 et 436.

2) Lund I. c. 265.

3) Lawrence in Hufeland's Journal d. pract. Heilk. 1815, A<sup>r</sup> 3, 55.

jam vetus Roederer (1) octogesimo abhinc anno: „idem principium, quod homini vitam det, sensum et motum cerebri ac nervorum operae praebat, calorem etiam corpori dare“, contendit. — Potuitne temporibus cl. Brodie anno MDCCCXmo p. Ch. adhuc in dubium vocari, calorem principii illius vitalis effectum esse, quod altioribus in animalium ordinibus praecipue organorum systematis nervosi centralium actionibus se manifestet, ideoque sublata vita calorem etiam cessare debere? Nonne experimentorum illorum idem esse oportebat eventus, qui eorum fuit, quae supra a Home et Elliot factorum enarravimus? Nonne dissectis membris alicujus nervis principium vitale hac parte non aliter tollitur, atque toto in corpore fieri solet, paralysi effecta, vel cerebro plane remoto? nonne eodem jure hic etiam refrigeratio sequatur, quo illic, necesse est, quamvis systematis vasorum actiones specie maneant? nonne vel eo celerius, quod continuo aër frigidus inflatur, qui licet sanguinem rubicundum faciat, efficere tamen non potest, ut, non agente systemate nervoso, calor generetur. Brodie si experimentis suis nobis explicare potuisset, qua ratione cerebrum calori animali gignendo inserviat, immortalē sane nactus esset gloriam; jam vero quum ipsum principium vitale rursus e circulationis ac respirationis aliisque processibus pendeat, hisce eodem jure caloris animalis origo

imputari potest. Denique vero ne cerebrum quidem nec totum in genere sistema nervosum variis in animalium ordinibus pro portione caloris animalis evolutum invenimus (1).

Fuerunt etiam qui e peculiaribus quibusdam processibus electricis atque organico-galvanicis mirabilem originem caloris animalis derivare tentarent, inter quos Buntzen (2) ac Brandis; imo vel recentissimis etiam temporibus Eisenmann (3) similem proposuit theoriam. Calorem enim organico-galvanico quodam processu in systemate vasorum capillarium generari contendit, nervorum massis quasi membra negativa, sanguinis corpusculis membra positiva, sero liquorem completorum Voltajanae columnae referente. Galvanico enim processu in vasis capillaribus acidum carbonicum progigni, quod cum globulis sanguinis, tanquam positivis columnae membris, se conjugens, atrum hisce impertiat venosi sanguinis colorem, simulque eadem hacce acidi carbonici formatione atque conjunctioне cum sanguinis globulis calorem liberari; deinde in pulmonibus globulos, acido carbonico peculiari quodam processu dimisso, creptas sibi in vasis capillaribus galvanicas vires recuperare:— Praeterea autem quod omnis haec theoria hypotheses nimium sapit, quodque recentissimis

1) Rudolphi l. c. I 189.

2) Beiträge zu einer künstigen Physiologie. Kopenhagen 1805.

3) Vegetative Krankheiten. Erlangen 1835. 34.

praecipue temporibus galvanismum a principio animalium vitali magnopere differre J. Müller (1) argumentis idoneis probavit, haec inquam, etsi nihil habemus, ne ita quidem illa tanta caloris exiguitas in animalibus frigidi sanguinis, verbi gratia in amphibiis, explicari potest, quippe quae et nervorum idoneam copiam habeant, membrorumque positivorum (i. e. sanguinis globulorum) magnitudine animalia calido sanguine praedita, etiam superent. Accedit, quod primum sanguis venosus, nec calore tractatus, nec antiae pneumaticae subpositus acidum carbonicum exhalat (2); deinde quod jam prius Becquerel et Brechet (3), rerentissimis autem temporibus rursus Davy (4) et Berthold in hemiplegiis, quibus certe propter paralysin nervorum, tanquam negativorum columnae Voltaianae membrorum, omnis reactio galvanica statim tolli debebat, saepeumero nullum omnino invenerunt discrimen inter membrorum sanorum et paralysi affectorum temperaturam.

Alii rursus, inter quos imprimis Rigby (5), calorem animalem e nutrimentis digestione liberari, Castberg vero eundem nutritionis, vel crystallisationis processu produci contendit, uterque notam illam legem physicam ad organica etiam

corpora referens, qua, substantiis quibusvis aëriformibus in liquores transeuntibus, vel liquoribus in solidia corpora mutatis, calor antea fixus liberatur. At in digestione transitus corporum solidorum in liquida pree mutatione contraria praevalere videtur, quum qmnia alimenta solida liquefcere debeant, antequam nutritioni inservire possint; quod vero Castberg opinionem attinet, haec certe veri haud absimilis apparet, modo ne unicus habeatur caloris fons transmutatio partium fluidarum in solidam materiam organicam. Quaeri enim licet, num in universum, statu corporis sano, consolidatio substantiarum liquefaciendi processum tantopere superet, ut multum inde caloris liberari possit? Quodsi ita est, quo modo explicabimus calorem in morbis quibusdam, ut in tafe, qua hand dube solida potius liquefcunt quam liquida consolidantur, non modo non immutatum, sed vel etiam auctum? Unde fieri dicemus, ut tantum intersit inter animalium calidi sanguinis atque animalium frigidioris sanguinis vel plantarum etiam temperaturam, quae non modo non minorem, sed ex parte etiam majorem alimentorum copiam sumere soleant quam illa? — Nihil tamen minus opinio Castberg magnopere confirmatur observationibus Ph. v. Walter et Paris (1), principalem caloris fontem in nutritione positum esse invenientium, et probantium experimentis, varia secreta nec non excreta mino-

---

1) I. c. 616.

2) Müller I. c. 311.

3) Froriep's Notiz. XLV. 217.

4) Müller's Archiv für Physiolog. 1836, v. 119.

5) Trevir. Biol. V. 57.

---

1) Meck. Arch. II. 308.

rem, quam sanguis e quo parentur, caloris capacitatem habere, ideoque horum formatione calorem in omnibus corporis organis necessario liberari. — Etiam Pouillet (1) ad novum quendam caloris animalis fontem scrutatorum animos advertit, multisfariis experimentis eductus, omnia corpora solida et organica et anorganica, praesertim comminuta, liquore quovis superinfuso, calorem evolvere, ita ut substantiis, quotquot hoc respectu examinavit, aqua humefactis, continuo calor dimidio gradu Celsii auctus observaretur, nullo tamen processu chemico ex oriente. Adhibitis autem variis telis organicis, membranis, tendinibus etc., quae omnia aqua aliisque liquoribus facile implentur, eorumque satis magnam copiam absorbere valent, ipso absorptionis momento tanta exstitit caloris evolutione, ut hydrargyrum thermometri  $6 - 10^6$  C. attoleretur. Quam quidem caloris evolutionem in corporibus organicis tanto majorem, non e ratione agendi diversa pendenter facit, sed ex actione fluidorum in majorem superficiem extensa, quam vel tenuissimus pulvis e corporibus anorganicis paratus.

Ex omnibus, quas adhuc in medium protulimus, variorum scriptorum sententiis, lector attente! hoc sane perspexeris, earum fere quamque aliis argumentis defendi, aliis impugnari, qua ex re, praecedentibus viris cl. Rudolphi,

Berthold, Tiedemann, aliisque pluribus physiologis et antiquioribus (1) et recentioribus, colligere posse mihi videor, calorem animalem non uno tantum ex fonte profluere, sed plures potius processus organicos partim directe, partim indirecte, partim physicis legibus, partim dynamicis obtemperantes ad calorem progignendum multum conferre. Porro conclusionem hancce facere licebit, quamdiu varia corporis systemata eorumque functiones respectu caloris procreandi disjuncta ac separata contempleris, e singulo vel organo quodam vel functione caloris fontem deducturus, fieri non posse, qui semper in repugnantias incidas. Jam vero si quis ex mea quaereret, quibusnam processibus organicis prae ceteris caloris evolutio adscribenda, quantumque cuique ex iis hac parte tribuendum sit, quae respondere possem sane non sufficerent, quem vel excellentissima disciplinae nostrae ingenia quaestionem illam adhuc non solverint. Ut vero aliquid tamen proferamus quod veri simile haberi possit, anatomiam atque physiologiam comparativam auxilio vocemus necesse est. Primum igitur videamus quaenam sit in genere caloris proprii ratio in corporibus omnibus organicis a plantis ad hominem usque, et num revera cuique ex iis calor proprius adscribendus sit. Quo deinde ad dilucidum perducto

---

1) Meck. Arch. VIII. 233.

1) Berthold. I. c. 69.  
Gruenberg I. c.  
Raue — diss. de cal. anim. fonte. Berol. 1833.

fieri non potest, quin fontem unum aliquem caloris inveniamus, omnibus communem, cui ideo maximam proprii caloris progignendi partem vindicare non dubitabimus.

a) De proprio plantarum calore. Variorum scriptorum indicis hac de re comparatis, rem quodammodo adhuc sub iudice esse animadvertisimus. Quamquam vero nonnulli, ut Treviranus, Nau, Fontana, plantis proprium calorem omnino derogant, discriminem inter plantarum ac medii eas circum ambientia temperaturam a multis observatum, partim e caloris ducendi facultate minore, partim e calore a terra illis communicato, partim e chemicis processibus derivare tentantes; altera tamen ex parte observationibus cl. Hunter, Salome, Helmstaedt etc. opinio de proprio plantarum calore confirmatur, idque, quantum mihi quidem videtur, majore cum probabilitate. Quomodo enim plantae mutationes temperaturae externae tam varias sustinere possent, nisi natura eas facultate caloris proprii progignendi, contra istius impetus aliquammodo muniisset? Cur quaequo plantae calidis in fontibus vel servido in solo  $+ 80^{\circ}$  R. fere crescentes, multo minorem quam illa servant temperaturam, ut cl. Sonnerat et Forster observaverunt? Unde fit, ut aestate inferiorem, hyeme vero altiorem quam aer quo circumdantur temperaturam prae se ferant? (1) Statibus iis quibus vegetiore vita, substantiarum commu-

tatio celerior exoritur, altum saepe caloris gradum plantae evolvunt; sic Thomson hordeo germinante hydrargyrum ad  $+ 30\frac{1}{2}^{\circ}$  R. usque ascendens cernebat, sic Lamark, Sennebier et Hubert variis e speciebus Ari, ut e Polyantha tuberosa, aliisque, fructificationis momento altum caloris gradum evolvi animadvertisit, quod idem omnibus in plantis etsi minori in gradu fieri contendunt Dutrochet et Biot. In Caladio pinnatifido, cuius proprium est, quod 4—5 horas flores expandit, citoque rursus marcescit, Schultz Berolini, flore se evolente, hydrargyrum temperatura cubiculi  $+ 13^{\circ}$  R. celeriter ad  $21\frac{1}{2}^{\circ}$  R. elevari, marcescente paullatim delabi observavit. Quibus omnibus certe appetet, inesse plantis facultatem, certum quandam caloris gradum ex se ipsis evolvendi.

b) De proprio animalium calore. Animalium calor proprius pro variis eorum classibus, ordinibus, generibus, speciebus, vel etiam secundum evolutionis periodos, secundum anni tempora, aliosque status vitae earum actiones moderantes, quam maxime variat. Animalia infimi ordinis, zoophyta, vermes, mollusca etc., respectu caloris, plantarum fere similia sunt, quippe quorum temperatura rebus externis quidem mutatur, ita tamen ut minime cum hacce semper consentiat. Sic Reaumur (1) vermes in maiori copia congregatos et frigori  $- 17^{\circ}$  R. expositos tamen non torpescere, sed nonnihil ca-

---

1) Tiedemann — Physiologie des Menschen. I. 448.

1) Gruenberg I. c. 21.

loris conservate vidit; sic Martine et Hunter in limacibus et lumbrico terrestri calorem 1—3° R. medium externum superantem observaverunt. Insecta majori copia collecta, verbi causa apes, formicas etiam in frigore externo — 17° R. satis altam temperaturam exhibere notum est, at recentioribus etiam quaestionibus a Nobili (1) et Melloni institutis, opinio de proprio insectorum calore licet exiguo confirmatur, licet Trevoranus (2) eum de animalium illorum motibus derivandum censeat. Fuerunt, qui piscibus atque amphibiis proprium calorē denegarent, quem plures observatores, ut Hunter, Despretz, Perrins, pro medii circum ambientis temperaturā quidem mutabilem invenerunt, ita tamen ut plerumque illa animalia, frigore tacta, temperaturam 1—2° R. altiore, calore circumfusa, totidem gradibus inferiorem monstrarent. Cypinus carpio illo casu vel  $3\frac{1}{2}$ ° R. calidior reperiebatur, et recentissimis temporibus Davy (3) in thynno pelamyde calorem  $4\frac{1}{2}$ ° R. majorem animadverit quam in aqua cui innatabat. Porro Tiedemann aquam cui pisces atque ranas injecrat congelandam curavit, glacie vero fracta animalia illa viventia et aqua haud conglaciata circumdata invenit. Denique Berthold (4) in

ranis coitus tempore calorem 1° R. adactum deprehendit, e quo certe clare eluet et hasce ex se ipsis calorem evolvere posse. — Altissimam ac constantissimam temperaturam animalia calidi sanguinis servant, homo plerumque + 28 — 30° R., animalia mammalia + 29 — 33° R., minoribus ex iis plerumque calorem 1 — 3° R. altiore praes se ferentibus quam majora; idem fere in avibus observatur, quae calorem + 31 — 35° R. exhibent.

Quum jam cognoverimus, omnibus corporibus organicis, certum quandam caloris gradum, quo, ut existant, opus est, ex se ipsis proficendi facultatem denegari non posse, facultatis hujus originem in functione aliqua perquirere conemur, quae omnium communis est. Haec profecto nulla esse potest nisi reproducio, vel nutritio ampliore verbi sensu, quum hanc unam omnia corpora organica prae se ferant, eaque praecepit a corporibus anorganicis differant. Si enim totam seriem corporum organicorum perlustramus, quo magis composita, quoque complicatio organisationis eorum combinatio sit, eo majorem functionum ad reproductionem, ideoque etiam ad calorem procreandum pertinentiam varietatem, eo majorem calorem ipsum esse, reperimus. Sic praecepit in hominibus, in mammalibus et in avibus, quorum maxima est caloris procreandi potestas, quorumque simul organisatio imprimis complicata appetit, nutritionem insigni concentu functionum diversissimarum effici videntur. Respiratione chylus, sanguini injectus, arcte cum hoc commiscetur, sanguini similior eoque demum ad organa nutri-

1) Müller's Arch. f. Physiol. 1834. 2. 115.

2) Biol. i. c. V. 30.

3) Müller's Arch. 1836. V. 120.

4) Versuche über die Temperatur kaltblütiger Thiere. Göttingen 1835. p. 8.

enda aptus redditur, quae rursus omnia absolvit nequeunt nisi accidente auxilio systematis vasorum, systematis nervosi, musculorum, variorumque organorum secretioni et excretioni inservientium. Chemismo respirationis non tantum calorem non evolvi, sed contra refrigerationem effici, pluribus argumentis supra allatis edocti sumus, simul vero multis e phaenomenis jam prius didicimus, respirationem eo praecipue ad calorem gignendum permultum conferre, quod sanguini per pulmones fluenti caloris excitandi facultatem praebeat, idque mutua quadam illius ac systematis nervosi actione, quae, licet vel dynamica, vel chemica, vel galvanica appelleatur, revera tamen adhuc nobis ignota est. Quum vero superioribus hisce in animalium ordinibus, omnium corporis functionum reges quasi ac moderatores sistema vasorum et sistema nervosum appereant, non possumus sane quin hisce primariam caloris evolvendi partem tribuamus. Quum porro actio illa reciproca vasorum ac nervorum praesertim in systemate vasorum capillarium omnium organorum exercetur, quumque in hoc eodem systemate vera nutritio, formatio variarum secretionum et excretionum, uno verbo varii processus omnes quos supra commemoravimus procedant, e quibus secundum leges naturae dynamicas, physicas, chemicas, si placet etiam mechanicas caloris et evolutio et vincio (ut ita dicam) derivari potest, optimo etiam jure inde colligi posse videtur, calorem animalem singula quaque in corporis parte — vivit enim quaeque organismi pars — evolvi debere, nec ideo e pulmonibus,

aut ventriculo, aut cerebro etc. vel nervorum vel sanguinis ope, vel solo transitu, reliquo corpori adduci posse. Ex his facile intelligitur, cur aves et mammalia plurimum caloris ex ipsis evolvent, quum validissime respirent, alimenta summa communi diversissimorum organorum actione concoquunt, et in corporis sui substantiam convertant, quum iisdem in animalibus succorum circulatio celerrima et validissima sit, nervorum systema maximas vires exerceat, maxima copia diversissimorum succorum excernantur, substantiarum denique mutationes et vicissitudines celerrimae ac vividissimae sint, quum denique motus omnes summa constantia fiant, quorum influxum in caloris evolutionem experimenta a Becquerel et Brechet instituta (1) eo probaverunt, quod musculorum contractionibus temperaturam  $1 - 2^{\circ}$  C. adaugeri videbant. Hinc etiam fit, ut hominum tenerioris aetatis temperatura paullo altior esse soleat, quam senum, ut homine multum se movente et vigilante plus caloris generetur, quam quietis vel somni tempore, quo secundum Autenrieth calor  $1 - 1\frac{1}{2}^{\circ}$  F. decrescit. Quantopere calor alto somno hyemali multorum mammalium imminuit! certe Saissey (2) in Arctomo Marmota, cavo pectoris aperto, temperaturam  $+ 4^{\circ}$  R., in vespertilione noctula  $+ 3^{\circ}$  R. invenit, quum ea-

1) Müller — Archiv f. Physiolog. 1836. v. 119.

2) Reil's Arch. XII. 293.

dem haecce animalia aestate calore sere + 31° R. gaudeant, nimirum somni hyemalis tempore respiratio prope cessat (1), succi non amplius per vasa capillaria feruntur, sanguis aequaliter colore fusco-rubro tinctus appetet, solumque cor cum aorta et carotidibus nonies per sexagesimam horae partem pulsat, quum aestate 100 circiter pulsationes eodem temporis spatio hisce in animalibus numerari soleant. Davy in cavo abdominis, diaphragmatis in regione altissimum semper caloris gradum observabat, quia ibi praecipue concoctio et magna vasa sanguisera vigent, maximi ac validissimi nervorum plexus acerrime agunt, et calor inde non tam facile effugere potest, quam e partibus externis.

Nunc quaerendo progredientes, videamus quo fiat ut inferiorum animalium temperatura ab altiorum tantopere dissideat. In piscibus atque amphibiis reproductionis processum multo simpliciorem esse, multoque minus ex organis, quae altioribus in animalibus maximi sunt momenti, e cerebro, corde, organis respirationis pendere videmus, quibus deletis nihilominus aliquamdiu satis bene vigeant, vivantque (2). Multo pauciora vasa, multo minorem sanguinis copiam (3) habent, ejusque atrioris et parum

coagulabilis. Sanguis arteriosus venoso similius, circulatio multo tardior (1), secretiones et excretiones simpliciores et rariores sunt; in primis vero mutatam se praebet respiratio, quum plurima horum animalium, praecipue tamen amphibia, pulmonibus minus quam corporis superficie spirent, et hac praecipue ingentem acidum carbonici vim et magnam aquae quantitatem vaporum sub forma exhalent (2), quibus formandis rursus multum caloris figatur necesse est. — Insectorum majori copia congregatorum calor proprius in genere paullo major reperitur, quam piscium et amphibiorum, a quibus tamen si systematis vasorum ac nervorum evolutionem respicis, aliquantum superantur. Quod quidem phaenomenon ut explicemus, ut jam supra dixi, ad insectorum respirationis organa tantopere evoluta animum advertere debemus, quibus quum aeris atmosphaericus in succos per corpus vehentes influxus necessario augeatur, momenta etiam calorem procreantia, quae e mutua actione succorum cum corporis organis ac systematis proficiunt vidimus, adaugeri necesse est. — In animalium serie longius etiam descendentes, crustaceis, annulatis, molluscis etc. multa gravissima organa, quibus altioribus in animalibus nutritio-

1) Saissy l. c.

2) Trev. Biol. V. Tenacitat des Lebens.

3) Blumenbachius, in institutionibus physiologicis, relationem sanguinis quantitatem ad corpus relatam 2 1/3 ad 36 in plurimis observavit, quam in hominibus 1 ad 5 sumitur.

1) In piscibus multisque amphibiis cor tantum 20—50° per sexagesimam horae micare, observatum est.  
(Müller.)

2) Tiegem. l. c. 302 et 414.

nis processus aliquantum modificatur ac temperatur, omnino deesse videmus. In plurimis eorum systema nervorum parum tantum evolutum invenitur, cerebro ac medulla spinali nusquam praesente (1), soloque funicolo nervoso abdominali miserum rudimentum systematis gangliosi altiorum animalium referente. Loco sanguinis in plurimis lympha conspicitur albida vel aquae instar dilucida, quae tarde tantum circulatione per corpus circumferri videtur. Infima denique omnium animalia, Zoophyta, multo etiam proprius ad plantas accedunt. Paucata tantum, nominatim Radiata, nonnulla Entozoa, secundum quaestiones recens a Carus factas, exigua systematis nervosi rudimenta prae se ferunt, in longe plurimis contra, ut in Acalephis, Polypis, Infusoriis ne ullum quidem ejus vestigium reperitur (2). Vel propria organa respiratoria in paucis tantum Radiatis inveniuntur, in plerisque alimenta excepta ex organis digestionis per alia quaedam organa vasis similia solo aëris, aquae etc. in superficiem influxu commutata, in horum animalium substantiam organicam transire videntur (3). Qua de causa infimis hisce in animalibus et in plantis eorum similibus calorem etiam admodum mutabilem et quam maxime e temperatura externa pendentem physiologi observabant.

Tantummodo ex ea functionum, nutritioni ideoque etiam calori procreando inservientium, combinatione simpliciore, minore earum numero ac vi, denique separatione earum, qua minus arcte cohaerent, unumque in scopum communiter agunt, — exilitatem caloris, quem illa animalia evolvunt explicare possumus; fortasse multae etiam aliae dissimilitudines occultiores et subtiliores, horum organisationem ab animalium calidi sanguinis organisatione dirimunt, quae vero statu disciplinae nostrae qui nunc est, explorari nequeunt. Attamen hoc certe clare perspicere possumus, sapiente naturae regimine cuique ex tot variis animalibus eam tributam esse temperaturam, quae ipsius organisationi ac victui maxime accommodata sit, nec minus eorum cuique facultatem esse datam, propriis viribus certum quandam caloris gradum ex se ipsis evolvendi eumque retinendi. Cujus quidem rei quamquam causam indagare conatus sum, bene tamen sentio, quam mance hoc efficerim — ideoque lector benevole! te rogo oroque, ne nimis severe de opusculo hocce dijudices, sed illius potius memineris dicti: si desint vires, tamen est laudanda voluntas!

1) Trevis Biol. V. 334.

Wiegmann — Zoologie. Berl. 1836. p. 12.

2) Wiegmann l. c. 570 — 604.

3) Tied. l. c. 286.

## PARS ALTERA.

Unde fit ut calor animalis tam  
constans sit?

Opinionum commenta delet dies, naturae  
judicia confirmat. Cicero.

Et haec quaestio doctorum virorum animos  
ac studium jam diu in se convertit, ansamque  
praebuit multifariis disquisitionibus et experi-  
mentis. Nimicum animantium omnium propri-  
um est, quod et calore et frigore circumfusa  
tamem propriam quandam temperaturam e rebus  
externis non pendentem retinent. Si enim me-  
dii circum ambientis temperatura animalis cu-  
jusvis calorem superat, hic quidem nonnullis  
gradibus augetur, sed non pari gressu cum ex-  
ternae temperaturae incremento, semperque in-  
ferior manet; rursus vice versa, diuturniore fri-  
goris influxu aliquot gradibus imminutus conti-

nuo tamen altior observatur. Si autem tempe-  
ratura externa altum in gradu aliquamdiu au-  
getur aut minuitur, exhausta facultate proprii  
caloris conservandi, animalia necessario suc-  
cumbunt.

Quamquam magnus Boerhave, hominem  
temperaturam externam sui ipsius corporis calo-  
rem superantem sustinere non posse posuit, quin  
in morbum incidat, ne hanc quidem opinionem  
veram esse multifariis experimentis prorsus de-  
monstratum est. Prae ceteris Dobson, Blagden  
et Fordyce iu se ipsis experti sunt, quemnam  
caloris gradum homo perferre possit, et quan-  
nam mutationes proprius ejus calor patiatur.  
Invenerunt autem suum ipsorum calorem immu-  
natum manere, quamdiu  $8^{\circ}$  F. (1) tantum ab  
externa temperatura superabatur, hac vero ma-  
gis etiam adiuncta, et ipsum paucis gradibus ef-  
ferri, ita tamen ut vel calore externo +  $10\frac{1}{3}^{\circ}$   
R. uno tantum, vel ad summum tribus gradibus  
augeretur. Tamen non amplius 7 horae sexa-  
gesimas tantum calorem externum perferre po-  
terant, sudore fluminis instar a corporibus om-  
nium desflente, pulsu ad 145 ictus per horae  
sexagesimam accelerato, venis valde tumentibus,  
sensuque flagranti supra totum corpus, rubore  
suffusum, dilatato; — experimento facto omnes  
ad unum quam maxime fatigatos se sentiebant.  
Etiam atroce frigore ictus calorem sibi propri-  
um homo conservare valet, cuius rei documen-

---

(1) Trevir. Biol. V. 42.

io sunt observationes a navarcho Parry in se ipso atque in comitibus suis temperatura  $37^{\circ}$  R. institutae; praeterea incolae frigidissimarum terrae regionum, Sibiriae, insulae Spitzbergen et eliarum (1).

Caloris etiam animalis discrimina peregrina tantum animadvertisuntur, pro diversis vitae aetatibus, temperamentis, ac hominum speciebus. Sic cl. Reynaud (2) paucis tantum centesimis partibus unius gradus thermometri centigradi calorem hominis debilis atque organis pectoris parum evolutis instructi, a calore viri robusti omnibusque corporis partibus optime exculti differre videntur, nec vero majus invenit caloris discriminem inter hominem tardum et pingueum, et alium quendam temperamento sanguineo-cholerico praeditum. Porro temperaturam Aethiopis temperamenti sanguinei, 32 annos nati, aequalem deprehendit temperaturae Francogallii paulo phlegmatici 24 annorum, quibus ex observationibus et aliis multis jure colligit, parva quae inveniantur temperaturae discrimina singulorum hominum propria esse, nec ulla parte vel specie, vel aetate, vel corporis constitutione terminari. Ne alimentis quidem proprium hominis calorem mutari cognovit, quod idem observationibus J. Davy in sacerdotibus numinis Buddha ac Hinduis, sola oryza fere vescentibus, et in Veddais carne tantum frumentibus factis,

1) Gruenberg I. c. 25.

2) Froriep's Not. XXIX. 161.

confirmatur, quum vel hisce in hominibus nullum temperaturae discrimen appareret (1). Vel etiam homines regiones frigidissimas habitantes a torridae zonae incolie temperatura corporis propria parum tantum discedere videamus, quum indicis Reynaud cum observationibus Parry comparatis calor incolarum calidissimarum regionum non nisi  $1,05^{\circ}$  C. major inveniatur, quam frigidissimarum.

Haec temperaturae corporis humani constantia praecipue apparet, dum non turbata valetudine aptus omnium corporis functionum concentus locum habet, qui simulatque tollitur, illa etiam mutatur, et aliquantum a norma discedit (2); sed vel hoc casu differentiae parvae sunt. Sic si temperaturam hominis normalem  $+ 29^{\circ}$  R. efficere ponimus frigore febrili atrocissimo, secundum observationes Currie, Haen, Reil etc. non nisi ad  $27^{\circ}$  vel  $26^{\circ}$  R. usque deprimitur (3), rursusque tempore validissimi aestus febrilis ad  $32^{\circ}$  vel  $33^{\circ}$  R. usque adaugeatur. Sic Becquerel et Brechet (4) diversissimis in morbis acutis, temperaturam uno vel duobus tantum R. gradibus adactam, nimirum in tu-

1) Froriep I. P. C.

2) Naumann über Temperaturveränderungen in Krankheiten. Fror. Not. XV. 106.

3) Estrup — de calore febrili adacto et diminuto. Hayniae 1819. 40.

4) Fror. Not. XLV. 217.

Müller's Arch. 1836. V. 119.

more scrofuloso vehementer inflammato calorem  $32^{\circ}$  R.; in hemiplegiis eandem partium paraly-  
si affectarum, quam partium sanarum, tempera-  
turam invenerunt, nempe  $29^{\circ}$  R., contra manus  
infantis cyanosi laborantis non amplius quam  
 $21^{\circ}$  R., os hominis cholera correpti  $20^{\circ}$  R. mon-  
strabat. Sunt vero etiam peculiares quidam sta-  
tus pathologici corporis humani, quibus caloris  
generandi facultas eum in gradum exaggerari  
videtur, ut corpus aestu ex se evoluto omnino  
intereat, cuius rei documentum nobis praebent  
combustionis spontaneae exempla. Quae autem  
qua re exoriatur, num re vera flammis sponte  
in corpore enascentibus, an incensione gasorum  
combustibilium in tela cellulari (1) et in cor-  
poris cavitatibus collectorum, electrica aëris vi  
effecta, an denique, ut olim censuerunt, alcohole  
(2) nimia quantitate sumto, eoque extrinse-  
cus incenso, efficiatur — quum combustio spon-  
tanea frequentissime, quamquam non unice (3)  
in potatoribus observata sit — adhuc in incer-  
to mansit.

Temperaturae stabilitas magna etiam est in  
animalibus mammalibus et avibus, quae tamen  
secundum Delaroche (4) et Berger majoribus

caloris gradibus multo celerius succumbunt,  
quam homines, frigus ex parte non minus bene  
sustinent, cuius rei exempla nobis praebent ani-  
malia in ipsis glaciei campis maris arctici de-  
gentia; sic Broussonnet in Delphino orca +  $28\frac{1}{2}^{\circ}$   
R., Scoresby in Monodonte monocerote +  $29^{\circ}$   
R., in Balaena mysticeto +  $31^{\circ}$  R.; Lyon in  
nonnullis Lagopis alpinis frigore externo, mer-  
curium congelante, +  $33\frac{1}{2}^{\circ}$  R. observavit. Quod  
rationem attinet, qua animalia vehementi calore  
afficiuntur, jam Duntze (1) 6 canes calore  $60,-$   
 $120^{\circ}$  F., quatuor horarum spatio, Braun plures  
aves temperatura +  $146^{\circ}$  F. 7 horae sexagesi-  
mis interfecas esse narrat. Tamen Delaroche  
avium tanto calori expositarum temperaturam  
propriam, plerumque  $4-6^{\circ}$  C. tantum auctam  
animadverterunt.

Animalia etiam frigidis sanguinis, evertebra-  
ta omnia usque ad Zoophyta ipsasque plantas,  
propriam sibi temperaturam progignere, eamque  
conservare posse, pluribus exemplis jam supra  
edocti sumus, quare vel hisce, praegredientibus  
Rudolphi, Tiedemann, Müller etc. stabilitatem  
illam temperaturae, quamquam arctioribus fini-  
bus circumscriptam et mutabilorem, tamen nul-  
lo pacto negandam, sed documentis certis con-  
firmatam, tribuimus.

De causis temperaturae stabilita-  
tem efficientibus. Temperaturae etiam con-

- 
- 1) Kopp — Darstellung der Selbstverbrennungen.  
1811.  
2) Henke — Gerichtliche Med 1832. 342.  
3) Most — Encyclop. d. Med. 1836. I. 448.  
4) Expériences sur les effets, qu'une forte chaleur  
etc. 1806. 13.

- 
- 1) Experimenta calorem animalem spectantia. Lugd.  
Batav. 1754.

stantiam e variis organismi viribus et processibus explicare conati sunt, sed fuerunt, qui exemplo Blagden communem quandam vim organismis insitam esse dicent, quae vehementer calorem externum, refrigeratione, atrox frigus, calore intus evoluto compensare valeat. Talis autem potestas alia esse nequit, nisi ipsa vis vitalis, quam quidem omnes corporis nostri processus primarie efficere, organismi integritatem contra noxias externas, ideoque etiam contra unum calorem ac frigus defendere, nemo certe negabit. Tamen nostris temporibus non est, quod Physiologus quilibet tali in explicatione acquiescat, processus potius perquirere debet, quibus natura temperaturae aequilibrium restituit, leges physicas, quibus hoc etiam in munere paret. Stulte enim ageret, qui omnes processus vitales in incertum de organicis viribus deducens non discernere tentaret, quid hisce, quid viribus physicis tribuendum sit, quas tam, ut exempla afferam, in frangenda humoribus oculi luce, deducendis soni undis per organa auditus, movendis musculorum actione ossibus, aperte agere videmus. — Revera autem plura adminicula novimus, quae organismus adhibet, ut, mutata temperatura externa, suam conservet.

Primum hac parte phaenomenon respiciendum est, quod optimo jure omnes fere physiologi, plurimi semper habuerunt, perspirationem dico cutaneam atque pulmonalem. Calore enim in corpus agente et perspiratio cutanea et exhalatio vaporum aquosorum per pulmones aug-

tur (1) et hac ratione secundum leges naturae notissimas, substantiis organismi solidis in fluidas, fluidis in aeriformes transcurrentibus, calor fititur, refrigeratio efficitur. Blagden, Martine, Alexander, si, experimenta insituentes, altis caloris gradibus se exposuerant, semper multum levaminis perceperunt, ipsumque calorem immunitum invenerunt, simulatque corpus sudorem secertere coepit. Quare James Currie sudore viscido, quo Afrorum cutis obducta est, non tam facile diffluente, tamen vero cutem humidam servante, fieri contendit, ut facilius quam Europaei altum calorie gradum perferre valeant. In morbis febrilibus tunc demum adest ardentissimus est, quum, transpiratione internis causis impedita (2), cutis omnino siccata appareat. Delaroche et Berger, calorem externum humidum (quem vocant) sibi multo infestiorum esse cognoverunt, quam siccum, quia illo transpiratio magis prohibetur. Itidem Reynaud valde se recreatum ac refrigeratum esse enarrat, quum tempestate calidissima, atroce siti cruciatur, a quam plane tepidam, temperatura sibi ipsius corporis, sumisset, cuius rei causam in transpiratione quaerit, calido potu adacta. — Quam quidem interpretationem mere physicam veram esse, sequentia etiam experimenta Delaroche demonstrant: humidas spongias et alcarrazas (3),

1) Reil's Arch. VI. 464.

2) Müller I. c. 77.

3) Vasa sunt poris abundantia, quibus tropicis in terris ad refrigerandam aquam utuntur.

aqua impletas, temperaturae + 28° R. receptaculo imposuit + 36° R. exhibenti, quo factio, pluribus horis post, temperaturam et spongiorum et aquae alcarrhazis contentae ad + 15 $\frac{1}{2}$ ° R. delapsam invenit, unde evaporatione vel altiore in temperatura facta, frigus progigni conjicit sufficiens, quo refrigeratio animalium, quam tempestate calida fieri observamus, explicetur. Leporum cuniculorum, quos simul eidem receptaculo imposuit, temperaturam plerumque paululum adactam deprehendit, transpiratione horum animalium fortasse evaporationem in vasis ac spongiis factam non adaequante. Quamquam enim evaporatio in spongiis et alcarrhazis facta, leges mere physicas sequitur, transpiratio animalis contra processu vitali complicato in vasis capillaribus producitur, effectus tamen vaporum se formantium, evolutio frigoris, in utrisque par esse videtur. Quam quidem opinionem, ut documentis certis fulciret, Delarochē aere calido vaporibus aquosis impleto transpirationem, quantum fieri poterat, coercere tentabat, jamque pluribus in experimentis animalium calorem ad minimum duobus, vel quatuor gradibus R. aëris temperaturam superantem observavit, causis, quibus calor animalium generatur, perdurantibus, processibus vero frigus moventibus aliquantum suppressis. — Praeterea si hominem vel animal quodvis calida tempestate contemplamur, utrumque, instinctu ductum, artus protentos a trunco detinere et placide ultro citroque moveare videmus. Canis os apertum tenet, linguam protendit, saepius inspirat, ne usquam transpiratio impediatur, sed quantum fieri potest augea-

tur. Hinc torridarum regionum incolae levibus et amplis tegumentis se involvunt, vel ex parte nudi incedunt, quum contra frigidis in terris crassas et angustas vestes induere soleant, quibus non tantum frigus externum arctetur, sed transpiratio etiam plus minusve cohabetur.

Est vero aliarum etiam rerum ratio habenda, quibus haud parum videtur momenti inesse, ad explicandum exiguum temperaturae incrementum, calore externo satis valido. Calore omnes corporis partes et fluidae et solidiores expanduntur, qua re quum nota lege physica caloris earum capacitas augeatur, calor adhuc liber figitur, ideoque necessario minus percepibilis redditur. Deinde notum est calore nervorum functiones debilitari, muscularum motus retardari et impediri, aere extenuato respiracionis processum eoque sanguinis in pulmonibus mutationem aliam fieri (1), denique concoctionem ciborum et nutritionem plus minusve impeditiri, quae quidem organismi actiones, quum caloris animalis progignendi magnam partem habeant, nonne debilitatae, caloris etiam procreationem imminentia necesse est? — Ut vero organismus non nisi exiguum proprii caloris incrementum perferre possit, moxque succumbat ubi illum vi adaugere tentamus, inde haud dubie fit, quod altiore corporis temperatura mutationes partium solidarum ac fluidarum efficiuntur, quibus functiones vitales gravissimae, om-

---

(1) Berthold. l. c. 75.

pinoque necessariae, prorsus delentur. Nominatim in sanguine mutato primaria illius rei causa sita esse videtur, quum pericula ab Hunter, Scudamore, Hewson (1) facta, sanguinem eo celerius coalescere doceant, quo altius temperatura ejus supra calorem corporis proprium efferratur. Tamen coalescere non incipit sanguis, nisi temperatura ad  $36$  vel  $39^{\circ}$  R. exaucta, quare etiam atrocissimo, quem novimus, calore febri, ad  $33^{\circ}$  R. summum ascende, coagulatio sanguinis effici nequit.

Quae peribunt nobis altera ex parte, ratione organismus, frigore in ipsum agente, propriam temperaturam conservet, statim occurrit, cutem frigore ictam contrahi, ut transpiratione impedita minus calor ausfugiat, contractione partium fluidarum et solidiorum in universum caloris recipiendi facultatem immuni, eoque calorem liberari. Deinde internas organismi actiones vitales, calorem provocantes, respirationem, nervorum functiones, concoctionem ciborum, muscularum motus frigore tanquam valido iunctamento (modo ne nimis diurna ejus sit vis) excitari et augeri. Quia de causa corpus frigori expositum motibus ejus omissis, ciboque ademto, citius succumbit. Simulatque frigus in hominem vel in bestiam aliquam agere coepit, membra flectuntur, palma in pugnum comprimitur, extremitates truncu, caput, pectus, crura abdomini appropinquantur, ut, corpore

superficiem quam minimam praebente, frigidi medii aditus, eoque caloris detractio, quantum fieri possit, minuatur. Infelix omnibus membris, capite ac truncu, flexionis loca quasi receptacula (1) formant, e quibus calor minus facile effugere, quam partibus corporis vicinis communicari potest.

Praeterea caloris animalis stabilitatem explicaturis, profecto non praeter vitenda est corporum organicorum exigua caloris ducendi facultas, licet cum ceteris causis comparata minoris momenti videatur; probaverunt enim experimenta cl. Delaroche, in animalibus mortuis instituta, pluribus horis plerumque opus esse, antequam illa medii externi temperaturam assumant. Si nunc virorum cl. Fordyce et Blagden experimenta supra enarrata retractamus, non negabimus rationem habendam fuisse exiguae humani corporis calorem ducendi facultatis, ubi temperaturam  $+ 80$  —  $100^{\circ}$  R. sustinebant, sed non ultra quam nonnullas horae sexagesimas. Inde etiam evenerit, ut aves breve tantum per tempus, quamdiu parva caloris ducendi facultate defendebantur, temperaturam  $80^{\circ}$  R. perfecte, diutius ibi morantes interirent. Hominem vestibus tectum, modo tranquillum se teneat, altum externi caloris gradum facilis ferre confirmant, quam nudum, quare qui vocantur incombustibles, quaestum de arte sua facientes,

1) Schultz — System der Circulation 1836. 80.

1) Bres — in Meck. Arch. III. 460.

plerumque multis se involvunt crassis integumentis, antequam in fervidam fornacem intrent (1). Animalibus magnum a natura admicnulorum numerum tributum esse videmus, quibus se tutentur a noxiis externac temperaturae influxibus, quum multis rursus adjumentis homini praebitis egeant. Pars hyeme regiones antea habitatas relinquit, pars magnis involucris adipis et integumento crasso defenditur, alia fundum aquarum petunt, alia terrae se subdunt.

Respectu tegumentorum corporis, quae ad continentum proprium corporis calorem multum haud dubie conferunt, Dr. Stark (2) ad colorem eorum animos nostros advertit, multifariis experimentis exactissime ac diligentissime factis probans, variis coloribus variam inesse caloris ducendi facultatem. Circumdedit nempe globulos plurium thermometrorum, accnrate inter se comparatorium, filis laneis ejusdem tenuitatis, longitudinis ac ponderis, diversorum autem colorum; jamque tempus observavit, quo variis in thermometris hydrargyrum certum quandam ad gradum usque ascendebat. Invenit vir doctissimus atra lana hydrargyrum brevissimo tempore, lana viridi et rubra paullo lentius, lana alba tardissime promoveri, temperatura externa ubique eadem. Contrariis experimentis substantias atras et fuscas multo celerius calorem in se

receptum dimittere cognovit, quam flavas et albas, quum mercurius a certo quodam gradu, illis substantiis adhibitis, multo celerius delabetur, quam hisce. Itidem substantias atriores multo citius ac largius humores sibi infusos exhalare animadverit, quam claro, lucido colore insignes. His ex eventibus multa colligi possunt, quae rem quam tractamus illustrent. Nonne colorum, quibus incolae variarum terrae zonarum disjuncti sunt, hic etiam ex parte sit finis, ut adminiculum praebeant, sane non unicum, temperaturac, qua indigent, conservandae? Africano atram cutem profecto eo etiam consilio natura praebuit, ut corpus ejus externo calori saepe immodico expositum ne succumberet, sed calorem celerius dimittens, transpiratione atro colore simul adaucta, facilius refrigeraretur. Hinc fortasse fit, ut Europaei alba cute tecti calorem meridionalium regionum principio plerumque intolerabilem habeant, eumque aliquanto temporis post demum moderatius ferant. Sola enim consuetudo ad phaenomenon hocce explicandum sane non sufficit et longe magis ad rationem apta explicatio mihi videtur, de cute eorum paullatim obscurata, desumpta. Eadem ob causam sapientissimum naturae numen frigidae zonae incolas albō colore tinxit, minorem caloris jacturam et exiguum transpirationem secum ferente. Multi quadrupedes frigidis in terris, vel hyemis tempore, non tantum crassiore pelle investiuntur, sed colorem etiam mutant. Cujus rei insignia nobis exempla praebent. Lepus variabilis, Canis lagopus, Ursus maritimus, Mustela erminca et regionum arcticarum.

1) Rudolphi I. c.

2) Malten — Weltkunde. 1834. 9. 170.

Nonne haec coloris mutatio, quam nonnulli poëtae naturam celebrantes tutamentum habuerunt, quo animalia illa, pelle nivi similiore, redditia, hostium insidias effugerent, calorem potius conservandum spectet? Etiam avium species nonnullae aliis aestate aliis hyeme insignes sunt pennis. Praeterea ipsi flores observationes cl. Stark confirmant, quum Murray fuscis in floribus thermometri hydrargyrum semper altius elevatum conspiceret quam in albis. Denique si totum naturae regnum colorum respectu perlustramus, summum eorum sub aequatore splendorem esse, arcticas vero regiones versus colores lucidos, colore canum, flavum et album praevalere videmus:

Hic finis esto! Si erroris convincar, facile consolabitur illud Terentianum: homo sum et nihil humani a me alienum esse puto! —

### T H E S E S.

---

1. Aliud est curare, aliud sanare, multi sanantur non curati.
2. Perforatio infantis vivi non semper vitanda.
3. Aurum utilissimum remedium, inutile medicamen.

4. Medicus naturae minister,  
non magister.

5. Non sunt peculiares oculo-  
rum morbi.

---